

Ҳадис дарслари (234-дарс) Дунёдаги кўзга кўринган гинеколог олимлар



19:00 / 07.06.2023 1735

لُجْرًا أَمْ نَاِمْ لُسُمْ دَاَزُو
ةَ أَرْمَلًا أَمْ وَ، ضَيِّبًا ظِيْلَغ
الْعَ امَّهَيَّأ نَمَفُ رَفُصًا قِيْقَر
ةَ بَشَلًا هَنَمُ نُوكَيَّ قَبَسْ وَأُ

Муслим:

«Эркак кишининг манийси қуюқ ва оқ, аёл кишининг манийси суёқ ва сарғиш бўлади. Улардан қайси бириники устун келса ёки олдин бўлса, ўхшашлик ўшандан бўлади», деган жумлани зиёда қилган.

Имом Муслим ривоятида Пайғамбаримиз соллаллоҳу алайҳи васаллам эркак ва аёлнинг манийсини очиқ-ойдин васф қилиб бермоқдалар. Шу соҳа бўйича мутахассисларнинг айтишларича, яқин-яқинларгача аёл кишининг

манийси борлиги илмий доираларда тан олинмас эди. Аммо илм ва фаннинг тараққий этиши билан бу ҳақиқат худди Пайғамбаримиз соллаллоҳу алайҳи васаллам васф қилганларидек бўлиб чиқди. Шунингдек, ҳадиси шарифдаги:

«Улардан қайси бириники устун келса ёки олдин бўлса, ўхшашлик ўшандан бўлади» деган гаплари ҳам тасдиқланди. Яъни, эркакнинг манийси аёлнинг манийсидан устун келса ёки олдин бўлса, улардан бўлган бола отасига ўхшаган бўлади. Агар аёлнинг манийси эркакникидан устун келса ёки олдин бўлса, бола онасига ўхшаган бўлади.

Замонавий илм ҳам ота-онанинг турли хусусиятлари болага маний орқали ўтишини тасдиқлади.

أَمَّ أُمَّامَ أَلَعِ إِذَا: أَضْيَا أَلَو
، أَلَاوْخَا دَلْوَلَا أَلَبْشَا لُجْرَلَا
أَلَأَمَّ لُجْرَلَا أَلَعِ إِذَاو
. أَلَمَّعَا دَلْوَلَا أَلَبْشَا

Яна ўша киши (Муслим) қилган ривоятда:

«Аёлнинг суви эркакнинг сувидан устун келса, бола тоғаларига ўхшайди. Эркакнинг суви аёлнинг сувидан устун бўлса, бола амакиларига ўхшайди», дейилган.

Дарҳақиқат, болаларда тоғаларига ёки амакиларига ўхшашлик аломатлари бўлиши ҳаммага маълум. Бу ўхшашлик ҳам ота ёки онанинг суви бири-биридан устун келишидан эканлиги ҳадисда очиқ-ойдин айтилмоқда. Ирсиятни ўрганиш илми бу ҳақиқатни ҳам тасдиқлади.

أَعْمَتْ جَا إِذِإِفِ : ةَیْ أَوْرِ ی فَو
ةَ أَرْمَلِ ی نَم لُجْر لَ ی نَم أَلَعَف
أَلَع إِذِإِو ، هَل ل ل ن ذِإِبِ أَرَكُ دَا
أَثْنِ أ لُجْر لَ ی نَم ةَ أَرْمَلِ ی نَم
هَل ل ل ن ذِإِبِ

Бошқа бир ривоятда:

«Қачон икковлари жам бўлсалар ва эркакнинг манийси аёлнинг манийсидан устун келса, Аллоҳнинг изни ила ўғил бола кўрадилар. Қачонки аёлнинг манийси эркакнинг манийсидан устун келса, Аллоҳнинг изни ила қиз бола кўрадилар».

Ушбу ривоятда ҳамма нарса Аллоҳнинг изни ила бўлиши сабаблари ҳам баён қилинмоқда.

Бир минг тўрт юз йил муқаддам айтилган бу гаплар илмий тараққиёт туфайли энди-энди ўз тасдиғини топмоқда. Дунёдаги энг кўзга кўринган гинеколог олимлар Пайғамбаримиз соллаллоҳу алайҳи васалламнинг шу хусусда айтган гаплари илмий мўъжиза эканлигини тасдиқламоқдалар. Улардан баъзилари Исломга кириб, баъзилари мойил бўлмоқдалар.

«Ҳадис ва ҳаёт» китобининг 4-жузи асосида тайёрланди.

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хулосаси асосида чоп этилган.